

Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo za boračka pitanja



Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry of Veteran's affairs

Broj: 06-14-SI/18  
Sarajevo, 01. 08. 2018. godine

**SKUPŠTINA KANTONA SARAJEVO**  
n/r gđa Ana Babić, predsjedavajuća

**PREDMET: Odgovor na zastupničku inicijativu, dostavlja se;**

Zastupnica Mersiha Mehmedagić na 42. Radnoj sjednici Skupštine Kantona Sarajevo, održanoj 07. 05. 2018. godine u okviru tačke Dnevnog reda „Poslanička pitanja, inicijative i odgovori, a u skladu sa Poslovníkom Skupštine Kantona Sarajevo, pokrenula zastupničku inicijativu: „Prosljeđujem inicijativu podnesenu Ministarstvu za boračka pitanja na sjednici održanoj 04. 04. 2018. godine gore navedenim Fondu memorijala i Komisiji za obilježavanje, čuvanje i njegovanje historijskih događaja i ličnosti, te molim Ministarstvo za boračka pitanja da istim dostavi zaprimljenu inicijativu sa svim priložima (novinski članci, isjecci iz monografija i video snimak)“.

Na pokrenutu zastupničku inicijativu dajemo slijedeći

#### ODGOVOR

Podržavamo Inicijativu zastupnice Mersihe Mehmedagić jer smatramo da je svaki bitan događaj iz perioda agresije na državu Bosnu i Hercegovinu doprinos kulturi sjećanja i jačanju i izgradnji identiteta naroda i države Bosne i Hercegovine. U cilju definisanja tekovina i vrijednosti iz perioda odbrambeno-oslobodilačkog rata 1992-1995. godine Ministarstvo za boračka pitanja je osmislilo Projekat „Opsada i odbrana Sarajeva 1992-1995. godine koji je usvojila Skupština Kantona Sarajevo 2006. godine (Službene novine broj: 9/06, 35/12 i 29/15) čiji je cilj bio da prepozna i definiše sve bitne događaje iz tog perioda, kako bi sistemski riješili i stavili u funkciju obilježavanja i njegovanja tekovina iz gore navedenog perioda. Gore navedeni projekat se sastoji od 12 (dvanaest) Potprojekata koji svaki za sebe predstavlja poseban Projekat i to:

1. Potprojekat obilježavanja značajnih događaja, datuma i ličnosti iz perioda odbrambeno-oslobodilačkog rata 1992-1995. godine (Kalendar za obilježavanje u kojem se definišu značajni događaji, datumi, ličnosti, nivoi obilježavanja kao i nosioci obilježavanja);
2. Potprojekat izgradnje centralnog spomen obilježja svim poginulim braniteljima opkoljenog Sarajeva;



web: <http://mbp.ks.gov.ba>  
e-mail: [minbopi@ks.gov.ba](mailto:minbopi@ks.gov.ba)  
Tel: + 387 (0) 33 562-012, Fax: + 387 (0) 33 562-251  
Sarajevo, Reisa Džemaludina Čauševića 1



3. Potprojekat izgradnje centralnog spomen obilježja ubijenoj djeci opkoljenog grada Sarajeva;
4. Potprojekat sanacije i stavljanja u funkciju D-B tunela;
5. Potprojekat Igmanski put spasa;
6. Potprojekat obilježavanja vatrenih tačaka opsade i odbrane Sarajeva;
7. Potprojekat obilježavanja mjesta većih stradanja u Sarajevu;
8. Potprojekat izgradnje memorijalnog centra „Žuč“;
9. Potprojekat „Pisana riječ u funkciji da se ne zaboravi 1992-1995. godine“;
10. Potprojekat sanacije i obnove ratnog mosta na rijeci Željeznici;
11. Potprojekat stavljanja u funkciju i preuređenje objekta restorana „Kon-Tiki“ (kod Sonje) i spomen obilježje-Muzej stradanja građanin Bosne i Hercegovine, koji bi podsjećao na događaje u periodu 1992-1995. godine;
12. Potprojekat stavljanje u funkciju i dovršetka sanacije spomen obilježja „Muzej opsade i odbrane Sarajeva 1992-1995. godine, koji bi podsjećao na događaje u organizaciji otpora za ratni period 1992-1995. godine.

Gore navedenim projektima je definisan okvir koji daje osnov za utemeljenje tekovina iz perioda 1992-1995. godine kao i načini, oblici, nivoi i nosioci provođenja aktivnosti obilježavanja. Smatramo da se zastupnička inicijativa zastupnice Mersihe Mehmedagić može tretirati u okviru gore navedena dva potprojekta i to:

1. Pisana riječ u funkciji da se ne zaboravi '92-'95. godine;
2. Kalendar obilježavanja značajnih događaja, datuma i ličnosti na području Kantona Sarajevo 1992-1995. godine.

Odnosno u korelaciji ova dva projekta na sljedeći način: Kroz projekat Pisana riječ u funkciji da se ne zaboravi '92-'95 godina, potrebno je izvršiti određena istraživanja putem relevantnih institucija koje su bile nosioci odbrane u periodu agresije na državu BiH, te druge raspoložive dokumentacije sa jasno utvrđenim i preciziranim kriterijumima. Ministarstvo za boračka pitanja svake godine objavljuje Javni poziv za implementaciju ovog projekta te izdvaja određena budžetska sredstva za ovu namjenu. Na Javni poziv se mogu prijaviti svi zainteresovani koji žele da istražuju i pišu na određene teme iz perioda agresije na državu BiH, između ostalog kao tema za istraživanje može se tretirati i predmetna inicijativa koja govori o utvrđivanju činjenica o prvim vojnim žrtvama 5. aprila 1992. godine. Nakon ovakvog pristupa i izvršenog istraživanja potrebno je provesti Javnu raspravu putem svih relevantnih institucija u kojim bi učestvovala Ministarstva, Općine, Fondovi, nevladin sektor-boračka udruženja i organizacije kao i druge institucije iz ovog sektora, kako bi se postigao konsenzus te pokrenula inicijativa za izmjenu i dopunu postojećeg Kalendara obilježavanja značajnih događaja, datuma i ličnosti iz perioda '92-'95 godine, sa prijedlogom da se imenom ili imenima prvih vojnih žrtava dopuni gore navedeni kalendar.

Ovdje treba napomenuti da s obzirom da je postojeći Kalendar usvojen od strane Skupštine Kantona Sarajevo 2008. godine (Službene novine Kantona Sarajevo, broj: 9/08), takođe izmjene i dopune postojećeg kalendara će biti predmet razmatranja od strane Vlade i Skupštine Kantona Sarajevo.

S poštovanjem,

Obradio: Enes Agić

Kontrolisao: Osman

mr. Belić



Dostaviti:

- naslovu,
- Sekretar Skupštine Kantona Sarajevo,
- Sekretar Vlade Kantona Sarajevo,
- a/a.